

CHINESE JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

7

T 3185/7382.81

Faint, illegible text on the left page, possibly bleed-through from the reverse side. The text is arranged in vertical columns and is too light to transcribe accurately.

Blank, aged, light brown paper on the right page, likely the back cover or endpaper of a book. The paper shows signs of wear, including creases and small stains.

鄉賢志

哈佛大學漢和
圖書館珍藏印

明洪武二年令天下立鄉賢祠於學宮戟門之右
春秋同祭世宗復申行之甚矣鄉賢之不可以已
也然其人已備載人物中茲復志者何曰重特典
也人物杳矣風流雨謝孰勤高山之仰薶其不廢
羨璫在日焉至於何文毅考定諸公宜光京俎者
企予望之嗚呼其要又在寧嚴勿濫歟志鄉賢
周春秋隨大夫季梁 傳稱助隨侯修政拒楚以尊
周國卒以濟真社稷臣也 任德詳允收題周廟

季子

漢光祿勳周章

杜斥殊戚守正不阿而憂在儲君

竟以身殉焉

任德詳允改題漢司空周子

宗

觀文殿學士兵部尚書贈太子大師謚文忠

歐陽修

仁宗時叔父暉為隨州

推官文忠幼孤依叔父而居時家於隨幾四十年

文章德業載在典冊煌如也任德詳允改題宋

太子少師贈太子太師廬陵歐陽文忠子

宋

泰知政事兵部尚書贈司空兼侍郎謚忠獻

宋綬

其先趙州平棘人徙隨博

通經史百家年十五召試中書其宗愛其文後

讀學士院官至

宋

龍圖閣直學士

朱鉉

鉉之人家藏書三萬卷

誦習所著甚多

宋資政殿學士劉達

達上高第係隨州隨縣人

累官至中書侍郎時蔡京以其星見去相達首勸

徽宗辟元祐黨碑寬上書邪籍之禁稍正京恃正

害民之政及京復相謫鎮江軍節度副使安州居

住後京再罷稍起知杭州加資政殿學士為醴泉

觀使召及都而卒贈光祿大夫任德詳允改題

宋醴泉觀使贈先祿大夫劉子

宋 荆鄂都統制 孟宗政 置知棗陽軍 信賞必罰好賢樂善為一時名

將循吏

宋

京湖制置大使景贈太師追封吉國公諡忠襄 孟洪 專征雪耻所向必克史稱忠

君體國之念可貫金石云

宋

參知政事 知樞密院 李庭芝 興利除害愛民如子有彬彬儒

將風而乃心王室不為讎敵所屈又千古孤忠也

任德詳允改題宋少保左丞李子

宋

京湖制置帳前都統贈利州觀察使 邊居誼 戰守有方屢敗元師及孤

城力不能支乃以一死告無罪於社稷史氏方之

張許 任德 允改題易公稱子

明戶部侍郎王鏞 致身認德之世多所建白未幾

優游林下鄉人月旦必首推公云

明

工部侍郎贈 本部尚書 陳壽 方正伉直効力危難之秋雖萋菲

肆讒卒以清白見知於朝野

明廣西慶遠知府賀子享 布政邊郵剛柔互劑遠

人安之

明江西按察使童寅 明介有為正身率物使民憚

之謂童打鬼清慎恪勤譽績再彰見之制詞

後奉文八祀儒學鄉賢一位

明史傳贈太傅 諡文毅何宗彥 有傳詳載藝文卷內

以上見祀儒學鄉賢一十五位姓名列右

再查 何文毅公考定應祀未祀鄉賢一十八位

姓名列後

南北朝宋孝子龔泰貞拒沈攸之之召後錄其母乃

自歸攸之歎其孝

宋隱士李堯輔好學多藏書訓子弟以禮其子堯佐

歐公稱為益友云

元孝子高可燾詔旌其門

明吏部尚書王典福守徽杭有善政及召父老遮留

擢吏部尚書後左遷西安知府

明成都府知府龔敬有德政錦城至今懷慕

明廣東按察司 僉事宮文侑持法平允甚有能聲

明涇縣知縣楊守真由鄉薦任戶部照磨出為令吏

民德之

明總督倉場 部左侍郎陳常襄敏公壽子以官生授給事至八座

正直有父風

明臨川縣知縣柳昌以行人出為知縣重典與學士民感之鄉人以為不愧科名

明勅贈 監察御史都昌縣教諭 宗文嗜學長於詩文其於名利澹如也

明孝子 通江縣教諭 章貞性篤孝幼失恃祖妣黃氏撫之後

黃遊棄官廬墓側日三供饌三培土有白兔之祥在師席啓述有方造就人材甚衆

明分宜縣知縣章貞之子省試第一人勤能端謹

韓石 政學官 孫聞知

明山東道 監察御史 宗葵父之子初知建德縣政事

操守嚴慎入臺累章勅上延訪群下彈劾權貴屬紀赫然巡按福建舉莆山孝子劉閔詔授本縣訓導人推服之

明 南京總督糧儲右副都御史 李中歷任有政聲一介不苟以廉者

明亳州知州顏木為人勁挺詩文力追古作者名與

李何齊

明進士尹儒少孤貧力學敦行第進士時上疏言邊

務早卒未竟其志

明南京兵部郎中劉應民居官數著循迹居鄉號為善人

明大足縣知縣劉宗武孝友仁厚治大足清介著聲民立碑頌其德

評曰之十八公者何太史既考訂之矣迄今煇然冊牘間而秋霜春露祀典缺如禮志至此嘗感慨歛歎掩卷而三嘆焉雖然大德自不可朽而公道萬古為昭後之君子倘欲舉從祀之典表彰宜重

今又考應祀未祀鄉賢五位姓名列後

吳重慶府推官虞正縉 有才學寡交遊傲岸一世

明溫處道劉延漢 清謹始終如一所至輒多惠政

明惠州府推官程鐸 標植新清才兼逸俊於學作

理兩載而卒還楚一櫬宦橐無餘

明劉陽縣教諭丘如皋 標清學遂克重鄉評

明東安縣知縣萬士奇 胸藏幹濟慷慨自持士林

中之有操守者鄉里素推重

評曰之數公者幼學壯行不愧爵位誠君子人也
 語曰相馬以輿相士以若數公又豈愧於屋漏者
 應祀鄉賢祠以表君子之修以美君子之行可也
 雖不敢遂以為確議而事久論定公道自不泯於
 人心茲實錄其生平以補采風之遺

附錄

德安府隨州為查釐賢宦祠祭事准本州知州任
 德關卷查弘治十二年內本州陞任李知州鑄查
 周未以來鄉賢念宦各若干位祠設二區享饗下

祭申允遵行已五十年本職叨任獻官已經四舉
 竊見其中或先後失羨或取舍非正或分義乖錯
 或職階紊亂罔不協其祇靈明為失其典禮久稽
 賈藝咎至今日若不查改厥罪惟均為此不揆狂
 僭脩將史志兼訊輿論逐一查採或開立前件明
 註事由而擅擬位號或叙述顛末併及叅酌而妄
 為升黜極知禮求之野不免獲譴於明時而論不
 實經度幾有補於下郡合關本州煩為施行等因
 准此擬合就行為此州司今將前項緣由理合具

申伏乞照詳明示施行象欽差巡撫湖廣等處地方兼贊理軍務都察院右副都御史顧 批據申鄉賢名宦職階各本傳志位序各應典義俱依擬改題序列孟宗政皇甫璠諸公既考議明核即便增入仰州正官仍具告文設釋奠以妥厥位具由繳查改公稱子於倍若未安禮則爲是况今制先師已稱子豈不猶恢當乎

計開舊祀鄉賢八位

一春秋隨大夫季公

前傳春秋乃魯史記之名起周平王四十九年止敬王四十一年凡二百四十二年之事入孔子所修之經後人因謂之春秋之世非代名也杜氏左傳注云少師隨大夫季梁隨賢臣則季梁乃隨士非大夫也雖宋陳師道詩有高誼曾聞季大夫之句而彼詩人也一時借用諧其聲韻類多費核甚有誤用古人而不恤者此似不足據也况周制侯國大夫之下止有上中下士注稱爲臣郎非處者季爲公族亦非厥姓且公首五爵春秋我魯進侯

於公自餘以下皆仍本稱固不得而干之惟子者
男子之通稱或後學宗師先餘之稱又今制廟祀
前代追贈王公諸爵一切革出比其明法今擬改
題曰周隨季子或曰近世稱子周程張朱之外不
可多見今子季梁得無不可乎曰匡章陳仲比之
季梁孰爲優劣昔人尚皆子之何獨此之非乎曰
世皆稱公子獨稱子或者不可乎曰文王公曾父
爲親也諸梁公令尹爲僭也非爵而公非親而公
議不應稱禮則爲賈矣爲不可

漢光祿勳周公

前件後漢書延平元年周章爲光祿勳永洪元年
爲太常九月爲司空十二月策免是司空乃其終
職非止於光祿勳也今擬改題曰漢司空周子
宋叅知政事兵部尚書贈司徒兼侍郎謚宣獻宋
公

前件舊志謂宋宋綬趙州平棘人後徙隨州及考
宋史本傳并其子敏求傳皆無一字及徙隨之故
不知何書載有此事再考歐陽子宦遊適與宋氏

父子同朝其作隨州李秀才東園記謂隨幾百年
不出一士而宋殺之卒又與歐陽子之記皆在仁
宋末年使其質徙於隨歐陽子可乃爾語耶若云
係其子身歐陽子卒則生平未履之人固可躋之
入祀耶宣獻賢者本不宜黜然經歷茲土如其比
者非止一人尚皆未入而獨祀此無干一位得無
失其平耶不敢擬入申奏定奪

宋觀文殿學士兵部尚書贈太子太師謚文忠歐

公

前件宋史歐陽修廬陵人少依其叔父彙讀書
州發解禮部數十年間往來於隨不能忘情其
之固宜但其所作東園記謂隨非吾鄉今置之鄉
賢中得無不可耶况觀文學士乃其知亳州之
兵部尚書又係知青州之職後改宣徽文徒蔡州
至熙寧四年以太子少師致仕今擬列衙下加郡
明非土著文忠上去謚庶是名稱改題曰宋太子
少師贈太子太師廬陵歐陽文忠子而以先易鄉
曰先賢祠云或曰李梁周章去公稱子似矣今日

文忠子謚下加子得無非禮乎曰古有之宣子獻子之類一謚而子之也文忠子之類二謚而子之也貞惠文子之類三謚而子之也

一宋龍圖閣直學士贈禮部侍郎宋公

前件查與宋獻事干一連設使實爲土著正宜從祀配享豈可父子之間命坐一室南向共食今不敢擬申請定奪

一宋資政殿學士劉公

前件宋史劉逵大觀四年五月星變起知杭州加

資政殿學士以醴泉觀使召及都而卒則殿學乃加守之御觀使實也遷之職今擬改題曰宋醴泉觀使贈光祿大夫劉子

一宋叅知政事樞密院李公

前件宋史李庭芝德祐二年六月知樞密院叅叅知政事守陽州二年二月瀛公降元宋氏既亡後猶嬰城固守七月益王以少保左丞相召之乃以朱煥代守而已與姜才將兵七千而東以圖興復乃心在宋國亡不樂丞相之職存已受拜今擬改

題曰宋少保左丞李子

一宋京湖制置帳前都統贈利州觀察使邊公

前件查無異議唯改公稱子

舊禮名宦十一位

一南比朝宋守隨郡累官光祿大夫贈征西將軍宗

公

前件南比朝亦後人紀史稱號非一代國名也宋

書宗憲文帝時為隨郡太守其先祿金紫乃大明

五年所受之階後此免官廢帝即位除寧蠻校尉

建州刺史加都督而卒今擬改題曰宋寧蠻校尉

使持節都督雍州刺史贈征西將軍前隨郡太守

一南比朝宋守隨郡累官加散騎常侍曲江縣公謚

忠烈稱公

前件宋書柳元景為隨郡太守在宗憲之前其所

受常侍曲江等職爵在世祖之初後歷孝建大明

諸年又將一紀而侍中尚書令驃騎大將軍巴東

郡開國公開府儀同三司南豫州刺史乃其定銜

其為諮議參軍宗憲與薛安都等十三軍皆隸之

今位反居愆下非禮之當今擬改題曰宋侍中尚書令驃騎大將軍巴都郡開國公開府儀同三司南豫州刺史贈持節都督南豫江三州諸軍事前隨郡太守柳忠烈子而躋之肅侯之右或以肅侯配之亦可也

一唐知隨州加中書門下令狐公

前件知州事係宋之官名唐以前無之唐書令狐楚得稱其子緒以廕歷隨壽汝三州刺史皆有嘉政其中書門下平章乃其弟縉之職非緒職也今

擬改題曰唐汝州刺史前隨州刺史令狐子

一宋知隨州加太子太師封魯國公贈太尉中書令謚武恭王公

前件宋史王德用皇祐三年以太子太師致仕後起爲河陽三城節度使同中書門下平章事判鄭州至和元年爲樞密事後封魯國公求去位乃以爲忠武軍節度使景靈宮使又以爲同群牧制置使今擬改題曰宋忠武軍節度使景靈宮同羣牧制置使魯國公贈太尉中書令前知隨州事王武

恭子

一宋知隨州加觀文殿學士贈開府儀同三司謚忠宣范公

前件宋史范純仁徽宗卽位除右正諫大夫提舉崇福宮不數月以觀文殿大學士中太一宮使詔之今擬改題曰宋觀文殿大學士中太一宮使贈開府儀同三司前知隨州事范中宣子

一宋知隨州前太子中允尹公

前件舉史尹沐初爲館閣被勅遷太子中允

書訊監唐州酒稅歷經畧判官集賢校書

判秦州嘉直集賢院太常丞知涇州以右司諫知

澶州徙慶晉二州遷起居舍人直龍圖閣知潞州

以御史劉湜之鞠貶崇信軍節度副使徙監均州

酒稅而卒嘉佑中追復故官舊不以崇福節度副

使而曰知隨州且舍其定銜而獨摘取初授之職

不知何謂况其謫州在仁宗慶曆中而范忠宣字

州則在哲宗紹宗末今擬改題曰宋起居舍人直

龍圖閣知潞州前崇信節度軍副使監均州酒稅

尹子而躋之

一宋知隨州加端明殿學士累贈太師謚忠肅趙公
前件宋史趙方寧宗慶元中知隨州舊以列之王
武恭范忠宣尹龍圖之上甚為次序今改實此擬
題曰宋端明學士正議大夫贈太師前知隨州事
趙忠肅子

一宋知隨州拜慶遠節度使贈太尉謚忠懿李公
前件宋史李道為光宗后父建炎初知隨州二年
劉豫將李成入寇道與李橫皆棄城走遂失襄陽

六郡為宋君相一時之大憂使非岳飛收復襄陽
徐慶勅力本州之禍不待德祐而後見憑時賊望
得保首領棄城獲祀全城曷以禮宜黜退申請定
奪

一元知隨州前道州路總管林公

前件元史循吏傅林興祖登進士同知黃州三遷
而知鉛山陞南陽知府改建德路同知俱未任至
正八年時旨遷道州路總管三年以年老致仕未
及守隨之事然考本州林知州木軒須守隨之日

適當三遷之末但元人官名止曰知州而其總管
道州亦在守隨之後舊又曰前殊不可曉今據改
題曰元道州路總管前隨州知州林子

一明知隨州奉訓大夫陳公

前件本朝官名亦稱知州而奉訓之階例列職首
現國號止宜施於方外及垂示後來似不宜實在
時祀以自陷於疎外之罪今擬改題曰奉訓大夫
隨州知州陳子

一明知隨州奉訓大夫呂公

前件今擬改題曰奉訓大夫隨州知州

舊祀賢宦止此

今攷宋史孟宗政絳州人父林從晉飛至隨州回
家焉受知趙方吳柔勝累官至荆鄂都統制置知
棗陽威振境外金人呼爲孟爺爺身死之日邊城
爲之罷市慟哭史且與趙方同卷復贊之爲名將
其爲人可知子琪史別立傳稱其帥師滅金以雪
百年之耻且謂忠臣體國之念可貫金石雖係之
爲隨之棗陽人然則我爲其統彼爲部士固可援

之以祀也况李庭芝實其門下琪死之日感其知已扶柩與國持喪三年其爲人亦可知已國初有王鏞者以人才授鎮江通判任至戶部侍郎有賀子身者以通經秀才授本府教授仕至慶遠知府有陳壽者以鄉舉授戶部主事歷山東叅政工部侍郎漢王之請逮繫數年文皇升遐得釋而卒贈本部尙書有童寅者以進士授鹽察御史遷交趾按察使改調江西明介有爲正身率物吏民憚之謂之童打鬼清慎恪勤譽績再彰見之制詞茲數

人者或致身於詔德之世或効力於危難之秋或布政於邊鄙之地或著績於文獻之邦雖其後嗣寥落清議至今不泯又考周書建德三年皇甫瑒爲隨州刺史政存簡惠百姓安之後卒於官贈交渭二州刺史謚之曰恭隨書辛彥之拜隨州刺史於時州家多貢珍玩惟彥之貢祭物高祖顧謂朝臣曰人安得無學彥之所貢稽古之力也遷洛州刺史前後皆有惠政宋史王祚爲漢隨州刺史法禁牛革令輸京師暑雨輒浥民甚苦之祚請頒鎧

甲式製面輸之民以爲便李孝基知清州事來亟斷不爲証佐圃在甫及日中公庭已空累官光祿五十謝事士林比之一疏早退仁宗稱其越度常人史官贊其爲人冲澹盛陶不畏安石抗疏黨惡出之僉書隨州判官史亦稱其大節可取劉彛常從安定講學以善治水見獮所治輒有惠政囚禁交人互市安置隨州呂大防與范純仁同心輔政八年如一商英之謗謫知隨州吳柔勝學本伊洛夏官司農出知隨州時值元人修好戒門閭禁

塞有犯無論輕重悉值死地郡民梁皇彼其監馬元人爲言輒繫七人柔勝初洩立破其械縱而釋之卒得不死且又收拔孟宗政扈再興皆爲名將築隨州及棗陽招忠勇備營柵甚爲有功其子淵泉并爲名臣史各立傳故右都御史杜智先任隨州知州治有聲稱超陞河南左布政使載在一統志大平府下故南京兵部尚書李克嗣先任隨州知州保障有功遺愛去思至今稱之茲數人者或有功茲土而明載汗青或史畧其功而擅名當代

或著之國典而功不可泯或政在人心而思不能
 忘視舊所躋適足相方其時若唐之劉文房周巢
 若漢之陳思讓若宋之張浚韓邦彥其中雖為文
 人而史或不言其功雖本賢者而職或止於遙授
 禮固不得而援焉者昔人有言鄉賢有父子名宦
 有統屬同祀一室者父與統南向子若屬各東西
 向由此推之州之賢宦宗政其父子也琪庭芝統
 屬也庭芝居誼統屬也元景懋統屬也先賢似宜
 宗政南向而琪庭芝居誼各東西向也先宦似宜

元景南向而懋東若西向可也禮行待人祀淫無
 福祠不可廢議難擅入俱候明奪

名宦志 附官師

酌朱邑於桐鄉社阜茂於密縣古誠有之今亦宜
 爾然長松高榕惠鮮流於葑屋則父名其子祖勉
 其孫曷日忘之若夫引喙啣腸磨牙競肉鳶偷辟
 之矣矧尸祝乎余故附官師於後賢愚悉載所以
 為觀也嗚呼撫我后霄我讎振古如茲是豈可不
 為怵心哉志名宦

明太祖二年令天下建名宦祠於學宮戟門之左
春秋同祭世宗時又申行之

南北朝宋 宗慤守隨郡累官光祿大夫贈征西將軍有治聲郡人畏服 任德詳允改題宋寧蠻校尉使持節都督雍州刺史贈征西將軍前隨郡太守宗肅侯子

南北朝宋 柳元景守隨郡累官加散騎常侍曲江縣公謚忠烈有方畧能服群蠻 任德詳允改題宋侍中尚書令驍騎大將軍巴郡郡開國公開府

儀同三司南豫州刺史贈持節都督南豫江二州諸軍事前隨郡太守柳忠烈子

唐知隨州 令狐緒加中書門下有能政汝人奏請回歷隨汝壽三州所以汝人有請辭曰臣任隨州郡人乞留轉河南少尹加紫金已名聞不必更立任德詳允改題唐汝州刺史前隨州刺史令狐

士德用知隨州加太子太師封魯國公贈太尉中書令謚武恭降隨之日寵辱不驚度字寬遂史稱相材 任德詳允改題宋忠武軍節度使景靈

宮同禁叙制置使魯國公贈太尉中書令前知隨州事王武恭子

宋知隨州 尹洙前太子中允居隨之日以考圖書通古今為事而不知其官之謫也 任德詳允改

題宋起居舍人直龍圖閣知潞州前崇信節度軍副使監均州酒稅尹子

宋 范純仁知隨州加觀文殿學士贈開府儀同三司謚忠宣求民間利病而興革之勵學校益為條教日有課月有最出入起居動循法度由是多學

者 任德詳允改題宋觀文殿大學士中太一宮

使贈開府儀同三司前知隨州事范忠宣子

宋光祿少卿 沈括前謫隨州宏文博物摘伏如神

任德詳允改題易公稱子

宋 李道知隨州拜慶遠節度使贈太尉謚忠愍時劉豫叛遣其將張瑄至隨招道道不從執其使以

聞詔嘉獎之

宋 趙方知隨州加端明殿學士累贈太師謚忠肅時旱蝗相仍方親走四郊以禱一夕大雨蝗盡死

歲大熟適和議成都郡寢弛備方獨招兵擇將拔
士豪孟宗政等補以官 任德詳允改題寒端明
學士正義大夫贈太師前知隨州事趙忠肅子
元知隨州 林興祖前道州路總管有懷召杜多識
前言無愧龔黃敦行素履名聞四海道重三山
任德詳允改題元道州路總管前隨州知州林子
明知隨州 陳莘奉訓大夫修墜舉廢興學勸農政
洽人心民到於今稱之 任德詳允改題奉訓大
夫隨州知州陳子

隨州 呂樞奉訓大夫嚴而明廉而慎言笑語
不苟歲旱而雪縞衣跣足走於四郊發廩賑
乏日不暇食獲偷兒則嚴寘之法不怒也行之數
年始卒不渝外戶不閉薄俗一變首夏民納祗候
銀辭曰新穀未升必稱貸於人還之候熟而後取
之 任德詳允改題明奉訓大夫隨州知州呂子
新奉 文入祀儒學名宦一位

明 王國治德安府同知署隨州事重學校而士興
厚風俗而民化省里甲息訟獄民稱其德至今

不忘

以上見祀儒學名宦一十三位姓名列右
再查 何文毅公考定應祀未祀名宦六十一位
姓名列後

漢隨縣宰 侯霸字君房按誅豪猾分捕山賊境內

清靜後官三公

晉隨郡內史 擊瞻高亮有氣節以語折王敦逆謀

故貶內史

南齊隨郡內史 蕭敷招懷遠近士庶安之以為前

後之政莫及

齊齊隨郡太守 崔士招元魏遣桓道福來攻士招

破之卒全城

北周隨州刺史 皇甫璠小心奉法安貞守志政存

簡惠百姓安之

北周隨州刺史 庫狄士文性清核不受公家料錢

隋隨州刺史 辛彥之是時文牧多貢珍玩彥之所

貢惟祭物文帝善之

唐隨州刺史 李程以能政補郎八磚學士後官

宰相

唐隨州刺史 劉長卿字文房以詩名

唐隨州刺史 李惠登治州二十年大有德於民見
唐書循吏傳

唐隨州刺史 周巢有善政與韓愈善

唐隨縣令 李去感濩賊王仙芝攻城堅守不為勦
城陷死之

五代晉隨州刺史 陳思讓宅艱執喪禮歷方鎮無
私政家無餘財

五代漢隨州刺史 董宗本行政聲宋太祖依之有
系焉黑龍之端

五代漢隨州刺史 王裕有心計漢法筆牛其
師遇雨輒收蒞班鐵甲式於器郡令裁之以輸
民便之

五代周三司判官 雷德驤奉命均定隨州田屋稅
爾為平允

宋崇義軍節度使 王全斌寬厚容衆黜居隨州悠
然自得

宋崇信軍節度使 王顯由樞密使罷授節度以廉
靜稱

宋知隨州 楊單勤於吏事以廉幹稱

宋崇信軍節度使 王超由天平軍改授

宋知隨州 魏瓘政事嚴明吏民憚之

宋知隨州 狄棐為政豈弟不為表暴家無餘財

宋知隨州 楊暉清介謹畏為郡待客菜菜數器沒

無餘貲

宋知隨州 李孝基所治雖劇事來立斷不為證佐

四日中庭已空矣早謝事冲澹善養生

宋隨州觀察使 馬懷德起行范仲淹薦之

宋隨州推官 歐陽晔却賂賑饑多所全活以善聞

宋宰相出知隨州 呂大防宋名臣有傳

宋知隨州 張商英有善政後以宰相謫崇信軍節

度副使

宋隨州刺史 李禹鄉順民宜倍曾作尹公亭

宋知隨州 向綜性寬裕善治劇於奸惡不恕

宋僉書崇信軍節度判官廳事 謝景平於益不悛

於欲不求文章政事邁於一時

宋隨州判 盛陶以御史忤王安石謫任悠然自得

宋隨縣簿 富元衡有清勁聲績遺無所受

宋知隨州 樓昇有幹理才進直學士

宋隨州倅 何齋性剛介議論不屈以廉能稱

宋檢校少傅崇信軍節度使 張浚宋名臣史有傳

宋崇信軍節度使 岳飛曾復隨州奏免官私逋負

以招集流亡奏隨鄂六郡闕牛糧者給以官錢

宋司農寺丞知隨州 吳柔勝倡伊洛之學有善政

宋隨州教授 方圓穎悟過人賦詩為文天才傑出

宋知隨州 趙彥衡力爭夏秋二稅所增麴酷錢得

免有德於民

宋隨鎮撫 陳求道宋史忠義有傳

宋京西兵馬都監知隨州 程再暹戰洪山有功

明隨州知州 杜智存心愛民以不忍峻刑催科例

當謫戍廷臣奏其治狀詔乘傳復任

明隨州知州 仲端寬而能斷愛而能教鎮靜而能

有為

明隨州知州 李克嗣廉明誠篤愛民如子治州如

家百廢俱興難以枚舉至今民頌之官至大司馬

明隨州知州 藍渠慎刑裁費植弱剪強民尸視之
有碑紀其政

明隨州知州 范欽嚴左右理幽枉省里田重論常
民畏服感化官至侍郎

明隨州知州 孫銳性莊嚴才開敏築城障水民至
今德之

明隨州知州 曹達御史謫任惠愚弱繩豪蠹

明隨州知州 任德有政聲曾修州志

明隨州知州 張東照嚴於繩惡州風盜盡擒

明隨州知州 曹山州以與其人主為已任

明隨州知州 周行性清苦不問事上官以誣去

明隨州知州 林梓實心愛民折節禮士遷學尤有

功

明隨州學正 范德超由黃梅令謫任有知人之明
持禮以範多士捐俸以助貧生

明隨州知州 方揚夙擅文名在任時日為諸生講

明經書與音

明隨州知州 馬騰雲清介明察受誣去囊無一錢

明隨州知州 祝以爾平易近民有文學任州五年
未曾斷一大辟

明隨州知州 李大讓聰明練達人不能欺

明隨州知州 劉斯原性長厚散遣鈴下哦書不輟

明隨州同知 黃靜存四明世家清靜廉儉

評曰此應祀未祀名宦六十一位既經何文毅之
考証宜其入祀今應祀不祀何以風勵循良湮沒
至今亦大缺典也茲後似不容再緩是在當事者
之舉行矣

今又考應祀未祀名宦六位姓名列後

明隨州知州 王國寧剛方正直身居外治不憚朝

貴愛士恤民嚴箴規遠苞直庭清訟斷後靜園開
門餘清風文極無以過也

明隨州判官 梁文耀勤苦安戢清介操持一衣一
冠數年不易敝裘歷歲載土四舟於公尤信

明隨州知州 王燾蒞事卽遇時艱禦患自安天數
矢志靡他協心固守勢窮城陷死正衣冠節義凜
凜一時士民赴義同死千有餘人雖隨之士庶素

存忠義實我公之節義有以導之

明隨州知州 徐世淳蹈道講學捐生殉義

明隨州學正 詹濤汪汪千頃霽月清波凜凜 毡

疾風勁節

明隨州判官 余嵩任事僅一日而孤僻無援浩氣

雄千軍而從容就義

評曰日久論定之說求其真也但六公之心矯矯

乎日月爭光六公之行凜凜乎冰霜其潔匹夫匹

婦共耳共目而祀典缺焉輿情未慤也敬列如左

荷

旌揚

再考循良善政開列於左

明隨州知州 李宸詔以文章標著而後學羣宗以

愷悌滂流而氓蚩咸戴

明隨州知州 黃朝選之優於政治明於科條片言折

而外頑讐魂越訴徇一而善士輜席

明隨州知州 陳昌以愛士重民善政將敷惜乎奄

逝後美不繼

國朝隨州知州 李鴻雷殘遺痛瘡學宮茂草勤心
撫字嘉意斯文士氏立碑頌德

國朝隨州知州 相付度興學起衰惠刈剔弊立法
有條而流奸歛跡 煦禦不畏而上役戢紛

國朝隨州知州 程入光培學校以興教化建書院
以課人文差無偏 伯驛困是息官自徵解里役得
蘇力剔政弊堅勵 小操離任之日痛哭者流以爲
焉

國朝隨州學正 程允達靜敬訓士琴鶴清操

國朝隨州知州 劉夕世蒞事果教催科內有撫字
力革陋習整肅中目心陽和惜乎早謝未竟所施

國朝隨州知州 李應政尚寬和志切民瘼理西山
軍需焦苦中夜幾不欲自有其身

國朝隨州學正 張之杜才益潁川頽風立振教訓
獎勵末學景瞻

國朝隨州知官 左因心詔冰雪其操父母其德廉靜
足風也順治十八年郡大饑自具印結質積穀三
十石賑之郡賴以蘇

右諸公著績龔黃理一應不朽嗣卽不肖霧踵接其
未方惴惴懼得罪於一地方兆姓而清文一事紓國
憂民天惠甘澍老幼滋怍今日夜思所以善其後
者庶黔黎不我咎


本州官

知州一員

州同一員 又裁

州判一員

巡檢四員



Blank page with faint, illegible ghosting of text from the reverse side.

